

歷史

韓城縣鄉土志第一冊

署理韓城縣知縣張瑞璣謹呈

韓城縣鄉土志序

不知史例者不可以作志不知教科書例者不可以作鄉土志曰簡曰確史例也即志例也推而至於教科書亦不外此例自史例不明於天下載筆者附會焉穿鑿焉其意以為為文也其文之荒謬怪誕者幾等於說部語林之無稽而讀其文者擊節歎賞亦不復實求其是焉是故歷代史志及諸家掌故之書汗牛充棟盡一人畢生之力不足以窺其全所謂天文

歷象地理物產五行貨財之志亦莫不連篇累牘叙其顛末不可謂不博矣然實而求之非懸揣擬議之作即沿謠傳謬之文其不至貽譏通人者十無二三下而至於郡縣志乘之書更無論矣論其文則可存者少而可刪者多論其事則可疑者多而可據者少至於事不可據則又烏貴乎其為文也此中國學界腐敗之原因亦中國史書志乘之通病也持此道以教天下之子弟又何怪天下無人材哉夫欲興人材

必先講實學欲興實學必先講教科書中國無所謂教科書中國之載籍即教科書也中國無所謂學中國之載籍文章即學也以文章為學以專講文章之載籍為教科書遂使人人知有文而不知有學並且以文為學焉而經濟實業農工商礦之學若屏諸學校庠序之外為文人之所不必講即講矣亦搖筆鼓舌紙上談兵而已也則講猶不講嗚乎實學之不講人材之不興中國之載籍文章為之也不舉此空疏

浮華之習一洗而空之中國學界豈復有疏通之日乎丙午春瑞璣權韓篆日以振興學堂為急務經營數月高等小學漸已就緒惟各鄉鎮初等小學設立逾數十處而教授迄無定本瑞璣乃邀龍門諸君子朝夕考訂急修鄉土志蓋將為初等小學前二年之教科書計也其舊志之所載缺者補之繁者汰之事涉疑似者更正之無關政學者刪除之其山川道里商賈銷售民生消長諸大端有為舊志所不載載之

而不甚詳者皆幾經測量調查而務求其實其為書也歷史有表物產有表戶口有表地理形勢繫以說而附以圖此志例也亦教科書例也至於動物植物製造之類亦皆仿毛詩爾雅山海經圖說之例而分繪其圖蓋將以欣愉兒童之心志開鑿兒童之聰明也其為文也尚簡不尚繁尚確不尚博文字詞章之優劣則有國文教科書為之先導焉非是書之所急也異日者教員按課而授學生按圖而索其卒業年限亦分班按期而不爽不繁不難不高不深是則是書之為用也嗟乎文與學本一事也自實學不講而文成為虛物矣處此實學競爭之世界苟能率天下之子弟而盡祛其孤陋華靡之習則他日切實有用之學皆發為顛樸不破之文未始非保全國粹之一道也

光緒丙午九月張瑞璣序於龍門官廨

編輯大意

一 是冊謹遵奉到鄉土志例目合以奏定章程初等小學堂第一二年之學科程度編輯

一 是冊為初等小學堂前二年之課程每星期一點鐘每年四十星期當授四十課故每門均定以八十課

一 是冊惟歷史一門各課少相參差然亦不敢浪費筆墨地理物產兩門則均以四十餘字為一課誠

以幼稚之腦筋繁博則苦其難記

一 是冊於歷史前後及物產志商務數課列表分載者以諸課無可繁述之義列表則便於逐格指授且可使童子即知表式

一 是冊惟歷史一門有說無圖地理格致二門均圖說並載者有圖則其說可證且以助童蒙之娛悅鼓舞其才識也

一 歷史多案邑乘編紀其近數十年邑乘所未載者

亦採訪附入

一邑乘所載史事甚繁是冊則擇尤編入以年有定課繁則不能卒業至欲更窺全豹則成人後有邑乘在

一地理雖有舊圖既不合於例目測繪亦多未準以之教授後學恐不免於歧誤此冊繪圖標說凡山川形勢道路建築皆一一親履勘驗測量清楚

一冊於奉到例目所有而本境或無者則概從闕  
一冊倉猝編成原未細經校勘斧削潤色還以望之為宗匠者

韓城縣鄉土志歷史序

史與志異讀史與讀志異史善惡並書志擇善而書  
讀史者善資以勸惡資以懲讀志者知有善而已惡  
知有惡哉鄉土志中之歷史則以志為史者也蓋是  
書之作為教授童蒙作也俾童蒙知某鄉某以忠孝  
書某鄉某以技能書否則不書書者資以勸不書者  
即懲之意寓焉惟是韓之名昉自周數千年來善不  
勝紀徧登備載則學堂晷刻有限童蒙腦質恐傷故

是編擇善而書擇尤而書但祈合於勸懲之旨以激  
發童蒙之天良鼓舞其保家愛國之能力云爾

甲	壬	辛
午	寅	卯
科	科	科
舉	舉	舉
人	人	人
薛	賈	溫
	樂	恭
位	天	編
列	參	輯
表	訂	

韓城縣鄉土志第一冊

歷史目次

置本境年代附下既置本境表內

第一課未置本境以前邑名所屬表

第二課合前課

第三課既置本境以後邑名所屬表

第四課合前課

政績錄

興利

第五課雲得臣

第六課馬攀龍

第七課左懋第

第八課傅應奎

第九課王澍霖

除弊

第十課蔚宙

第十一課劉方夏  
第十二課莫元賡

聽訟

第十三課姒 昂

第十四課石鳳臺

第十五課呂北鬣

### 兵事錄

第十六課秦晉構兵

第十七課韓信擊魏

第十八課兵渡龍門

第十九課元兵寇秦

第二十課元兵拔韓

第二十一課全文禦寇

第二十二課馬佑勦賊

第二十三課左公禦寇

第二十四課續前課

第二十五課續前課  
第二十六課續前課  
第二十七課王公捍城  
第二十八課蔣公扼要  
第二十九課余公立團  
第三十課續前課  
第三十一課續前課  
第三十二課續前課

第三十三課李軍駐關  
第三十四課續前課  
第三十五課郭周駐軍  
者舊錄

事業

孝

第三十六課薛濬  
第三十七課劉浩然

友

第三十八課薛

包

第三十九課張

祿

睦

第四十課陳佑聖

第四十一課張宸綬

姍

第四十二課吳聯捷

第四十三課陳 紘

任

第四十四課王炎如

第四十五課牛體元

郵

第四十六課党孟翰

第四十七課師貞充

學問

經

第四十八課卜子夏

第四十九課晉賓王

呂

功

史

第五十課司馬遷

集

第五十一課張士佩

第五十二課薛亨

第五十三課衛引文

醫學

第五十四課吳全賓

第五十五課薛士顯

名儒

第五十六課賈宏祿芳

第五十七課高鴻達

名臣

第五十八課張昇

第五十九課張邦俊

第六十課劉蔭樞

第六十一課張廷樞

第六十二課王杰

功臣

第六十三課薛儀

第六十四課師彥公

名將

第六十五課薛端

第六十六課王應朝

循吏

第六十七課孫美

第六十八課薛起鳳

第六十九課衛學詩

第七十課楊錫桂

忠節

第七十一課 趙春芳

第七十二課 高巍然

第七十三課 衛景瑗

第七十四課 强克捷

第七十五課 王汝為

人類

戶口

第七十六課 歷年人口增減表

第七十七課 合前課

第七十八課 實業人民附宗教人民表

第七十九課 合前課

第八十課 氏族表

第一課未置本境以前邑名所屬表

名邑	屬所	代朝
<small>無地名</small>	州雍屬	夏商 唐虞
<small>龍門</small>	服侯	周
<small>只有</small>	晉屬	春秋
<small>之</small>	魏屬	戰國
<small>史內</small>	屬	秦
<small>夏後</small>	州馮左屬	漢
<small>陽名</small>	州馮屬	新莽
<small>郡山</small>	屬後州馮屬	晉
<small>郡山</small>	屬後州馮屬	元魏

第三課既置本境以後邑名所屬表

名邑	屬所	代朝
<small>城陽年開</small>	州馮屬	隋
<small>置析皇</small>	州馮屬	唐
<small>韓卻八</small>	州馮屬	唐末
<small>貞觀八年</small>	州馮屬	五代
<small>屬同州</small>	州馮屬	後唐
<small>度軍定</small>	州馮屬	宋
<small>節國郡</small>	州馮屬	金
<small>州楨為</small>	州馮屬	元
<small>城韓</small>	州馮屬	明
<small>府十為</small>	州馮屬	本朝
<small>韓城屬</small>	州馮屬	本朝

興利 第五課 雲得臣

唐雲得臣武德七年自龍門引河溉田六千餘頃後河底日下渠湮舊迹即今駱駝港也今欲興復必自山腰溯流開渠則縣北皆沃壤矣雲公入祀名宦祠

第六課 馬攀龍

明馬攀龍萬歷中授縣令捐俸繼前令全文治土門口頭堰鑿山腰為渠名曰千丈渠創堰規立省耕觀溉亭並治盤水溉田至今廟祀

第七課 左懋第

左懋第崇正五年宰韓時寇起年荒捐俸籌濟其母脫簪珥助之又有祛虎勦賊崇儉尊經立清文法置社倉等事入祀名宦祠

第八課 傅應奎

傅應奎字汪平以邑書院舊址湫隘倡捐改築繼此則陳緝文冀蘭秦江士松諸賢令迭捐廉重修皆傅公倡之也

第九課 王澍霖

王澍霖字石樵設城鄉義倉二十二所勸捐倉穀一萬二千餘石後遇旱活人無算又捐廉五百金助士子膏火免商人陋規

除弊 第十課 蔚宙

蔚宙山西貢生萬歷中任縣丞以糧多逋負弊由詭寄有田業者數百家而糧多籍之一人名下宙為區分糧各異籍雖父子兄弟異籍即不相逮自此輸者

恐後籍逋以清

第十一課 劉方夏

劉方夏湖廣人初涖縣罷里長徭役盡革陋規善斷決人莫能欺捐俸修城垣樓鋪邑紳孫龍竹誌其功德作去思碑

第十二課 莫元賡

莫元賡字快園執縣事邑舊有潼關馬差甚為民累稟請革除創修快園書院並捐俸為士子膏火貲邑